

## **DIRULAGUNTZA DEIALDIA, HAUR ESKOLAKO GASTUEI AURRE EGITEKO 2023-2024 IKASTURTEAN.**

### **1. artikulua. Xedea**

Dokumentu honen helburua da ikastetxe publiko eta ikastetxe pribatu-kontzertatuen haur eskola (2022an eta 2023an jaiotako umeak) gastuetarako deialdia norgehiagoka erregimenean egitea, Diru-laguntzen Udal Ordenantza Orokorrean xedatutakoari jarraiki eta, bereziki, 2004ko martxoaren 25eko udal plenoan behin betiko onartutako III. Kapituluaren xedatutakoari jarraiki; 2004ko apirilaren 13ko BAO 68. zenbakian argitaratua eta ondorengo aldaketa 2004ko maiatzaren 27ko udalaren adostasunez onartua eta 2004ko abuztuaren 3ko BAO 148. zenbakian eta udalaren web orrialdean argitaratua. Deialdi honen helburuan ikastetxe pribatuen haur eskolen gastuak kanpo geratzen dira.

Garraio eta jantoki gastuak ez dira kontuan hartuko.

### **2. artikulua. Izaera eta erregimen juridikoa**

Azaroaren 17ko Diru-laguntzei buruzko 38/2003 Lege Orokorrak arautuko du di-ru-laguntza, lege horren 22.1 artikulua-kin bat etorruta. Aipatutako diru-laguntza Durangoko Udalaren 2024ko Aurrekontuetan aurreikusita dago, 2022-2024 Diru-Laguntzen Plan Estrategikoaren barruan, 2021eko abenduaren 20ko Osoko Bilkuran onetsia, eta bertan informazio hau dago:

**Kodea:** 5.3260.2.HBE

**Diru-laguntza:** Haurtzaindegietako gastuei aurre egiteko diru-laguntza deialdia

**Zenbatekoa:** 18.000€

**Partida:** 41.3260.48101

### **3. artikulua. Onuradunak**

Diru-laguntzen onuradunak izango dira Haur eskoletara joaten diren 2 urtetik beherako ikasleen gurasoak eta legezko tutoreak (2022an eta 2023an jaiotako umeak), dagokion eskaria aurkezteko azken egunean Ordenantzako 5. artikuluan izaera orokorrarekin xedatutakoa betetzeaz gain, baldintza espezifiko hauek betetzen dituztenak:

a) Errola Durangon urtebeteko antzintasunarekin eta umearen eskolatzeari Durangoko Haur eskoletan edo beste udalerrietako Haur eskoletan, arrazoitutako kasuetan.

b) Azken ekitaldi fiskaleko diru-sarrera likidoen eta kapital-errentetatik eratorritako etekin gordinen batuketak ez ditzala gainditu kopuru hauek: muga orokorra, urteko lanbide arteko gutxieneko soldata (14.000 €) 2,5 alditan kokatuz muga eta familia-unitateko hirugarren eta laugarren kidearentzako, aipatutako soldata, gehieneko muga, 0,5 areagotuz, eta LGS 0,25 gainerakoentzat.



| Bizikidetza unitateko kide kopurua | Urteko errenta mugak | €/hilab.   |
|------------------------------------|----------------------|------------|
| 2                                  | 35.000,00 €          | 2.500,00 € |
| 3                                  | 42.000,00 €          | 3.000,00 € |
| 4                                  | 49.000,00 €          | 3.500,00 € |
| 5                                  | 52.500,00 €          | 3.750,00 € |
| 6                                  | 56.000,00 €          | 4.000,00 € |
| 7                                  | 59.500,00 €          | 4.250,00 € |
| 8                                  | 63.000,00 €          | 4.500,00 € |
| 9                                  | 66.500,00 €          | 4.750,00 € |
| 10                                 | 70.000,00 €          | 5.000,00 € |

Urteko diru-sarrera likidoen kalkulua, 2023. urtean, etxe berean bizi diren bizikidetza-unitate independenteko edozein kidek jasotako diru-sarrera guztiak hartuko dira kontuan ("bizikidetza-unitate independentea" diogunean gurasoek, tutoreek eta seme-alabek osatzen duten unitatea ulertu behar da). Urteko diru-sarrera likidoak zehazteko orduan zerga-oinarri orokorra kontuan hartuko da.

Kontuan hartuko dira baldintza hauetatik eratorritako gutxipen zuzentzaileak:

- Familia-harreran dagoen ikaslea.
- Erditze anizkoitzean jaiotako ikaslea.
- Udalerriko haur eskola publikoan (haur eskola partzuergoa/ikastetxe publikoa) matrikulatzea.

Baldintza horiek arrazoitzen diren eskaeretan, hileko diru-sarrera likidoetatik LGS 0,25 aldiz dagokion kopurua kenduko da, hau da, bakoitzeko 250,00 €/hilabetea.

c) Onuradunek egunean egon beharko dute Durangoko Udalaren eta beste administrazio publiko batzuen zerga, tasa, arbitrio eta zehapenen ordainketan.

d) Eskolaratze gastuak ordainduta izatea.

Udal Gizarte Zerbitzuek ebazpenean jaso gabeko salbuespen-egoerei buruzko txosten arrazoituak aurkeztu ahal izango dituzte; etorkinak eta adingabeak beren kargura dituzten familiak.

#### **4. artikulua. Dokumentazioa aurkezteko lekua**

Eskariak Udaleko erregistro nagusian aurkeztu behar dira Udalak horretarako jarriko dituen eskari-orrietan edo **egoitza elektronikoan**. Halaber, 2015eko urriaren 1eko Administrazio Publikoen Administrazio Prozeduraren 39/2015 Legearen 16.4 artikulua aipatzen dituen lekuetan ere aurkeztu ahal dira.

Dokumentazio hau aurkeztu beharko da:



- a) Dirulaguntza eskari normalizatua.
- b) Eskatzailearen NAN.
- c) 2023/2024 ikasturtean haurra matrikulatuta egon den eskolak/hautzaindegiak emandako ziurtagiria, honako hauek jasoko dituenak:
  - 2023/2024 ikasturtean matrikulatuta egon den maila.
  - Aldi horretan egindako gastua (jangela eta garraio-gastuak izan ezik).
- d) Familia-liburua.
- e) 2022ko apiriletik aurrera jaiotako eta, era berean, familia-liburuan inskribatuta ez dauden haurren jaiotza-ziurtagiria.
- f) Bizikidetza unitate independentea osatzen duten kide heldu ororen diru-sarreraren ziurtagiria (kopia eta originala), amaitutako ekitaldi fiskalari (2023) dagokiona, 1 edo 2 kasuaren arabera:

1. PFEZa aitortzeko betebeharra badute edo aitortu badute:

- Eskaera aurkeztean amaitutako azken ekitaldi fiskalari dagokion Pertsona Fisikoen Errentaren gaineko Zergaren Aitorpenaren fotokopia (100 EREDUA), jatorrizkoarekin batera biak alderatzeko.

Ordaindutakoaren arabera ez den prestazioa jasotzen den kasuetan, horien ziurtagiria.

2. PFEZa aitortzeko betebeharririk ez badute (eta aitortu ez badute):

- Aipatutako ekitaldian PFEZa aitorpena aurkezteko betebeharririk eza ziurtatzen duen Foru Ogasunaren ziurtagiria (eskaera aurkeztean amaitutako azken ekitaldi fiskala).
- Gizarte Segurantzaren Diruzaintza Orokorrak igorritako Laneko Bizitzaren Ziurtagiria.

Gainera, kasua denean:

- Besteren konturako langileak: aipatutako ekitaldiari dagokion kontzeptu guztiengatik jasotako diru-sarrera gordinen guztizkoari buruz enpresak edo enplegatzaileak igorritako dokumentua.
- Pentsiodunen edo bekak, prestazioak edo laguntzen (Gizarte Ongizateko laguntzak barne) onuradunak: horien ziurtagiriak, aipatutako ekitaldiari dagozkionak.

Durangoko Udalak, Bizkaiko Elkarreragingarritasunerako Nodoaren bidez eta dagozkion elkarreragingarritasun-zerbitzuen bidez, laguntza honen administrazio-izapideak egiteko eskatzen diren eskatzaileen datuen beharrezko egiaztapenak eta kontsultak egingo ditu.

Arrazoi teknikoengatik elkarreragingarritasuna ezinezkoa bada, Durangoko Udalak izapideak egiteko beharrezkoak diren datuak edo dokumentuak eskatu ahal izango ditu.

**5. artikulua. Epea**

Eskaerak aurkezteko epea 2024ko irailaren 16tik urriaren 4ra izango da.



Aurkeztutako dokumentazioa osatu gabe badago edo oinarrietako baldintzaren bat betetzen ez badu, hamar laneguneko epea emango zaio interesdunari akatsak zuzendu ditzan edo dagokion dokumentazioa gehitu dezan. Halaber, jakinaraziko zaio, hala egiten ez badu, eskarian atzera egindakotzat joko dela, eta hala ebatziko da 2015eko urriaren 1eko Administrazio Publikoen Administrazio Prozeduraren 39/2015 Legearen 68. artikulua aurreikusten dituen terminoen arabera eta, aintzat hartuta Diru-laguntzei buruzko azaroaren 17ko 38/2003 Lege Orokorraren 23.5 artikulua ezartzen duena.

#### **6. artikulua. Diru-laguntzaren zenbatekoa**

Banatuko den gehienezko zenbatekoa HEMEZORTZI MILA (18.000) euro dira. Gastua 41.3260.48101 aurrekontu-partidaren kargu egingo da.

Aurrez adierazitako zenbatekoa areagotu ahal izango da Kultura eta Hezkuntza alorreko beste laguntza-programen egikaritzetik agortu gabeko aurrekontuen eskuragarritasunaren arabera edo laguntzen ebazpenaren aurretik onar daitezkeen aurrekontuen aldaketan arabera. Aipatutako baldintza suertatuz gero, dagokion ebazpenaren bidez iragarriko da.

Onartutako eskaera kopuruak aurrekontuan sartutako kopurua gainditzen badu, haien artean banatuko da aipatutako kantitatea.

Haur eskola gastuetarako laguntzak bestelako erakundeek kontzeptu berberarengatik emandako aldibereko diru-laguntzekin bateragarriak dira, bizikidetza-unitateak jasotako diru-laguntza totalek eskolaratze-kostuaren zenbatekoa gainditzen ez dutenean, betiere.

#### **7 artikulua. Instrukzioa eta ebazpena**

Sail eskudunaren informe teknikoa aztertu ostean, eta Herrigintza argibide batzordearen proposamenari ekinez, eskariak alkateordearen dekretu bidez ebatziko dira, gehienez ere, hiruhilabeteko epean eskaria aurkeztu izan den egunetik zenbatuta..

Ebazpena eman eta epe hori igarotzean jakinarazi ezean, eskatzaileak eskaera bertan behera utzi dela ulertuko du.

#### **8. artikulua. Diru-laguntza ordaintzea**

Diru-laguntzaren zenbatekoa urteko matrikularen prezioaren % 50ean finkatuko da.

#### **9. artikulua. Betebeharrak**

Diru-laguntzen onuradunek Ordenantzako 6. artikuluan izaera orokorrarekin jasotako hitzarmenak bete beharko dituzte.

#### **10. artikulua. Dirua itzultzea**

Ezeztapena gauzatuko da, eta kasuan kasu bidegabeki jasotako kopuruen itzulketa, Ordenantzako IV. kapituluari jasotako kasuetan.



### **11. artikulua. Araudi osagarria**

Diru-laguntza honek ezartzen ez duenari dagokionez, honako lege testuak hartuko dira aintzat: Durangoko Udalaren dirula-guntzak eta bestelako laguntzak arautzen dituen Ordenantza; diru-laguntzei buruzko 38/2003 Lege Orokorra; 887/2006 Errege Dekretua eta toki erregimeneko araudi bateragarria

### **12. artikulua. Argitalpena**

Deialdia BAO-n, udalaren web orrialdean eta udalaren ediktu-taulan argitaratuko da.

### **13. artikulua. Datuen babesa**

Durangoko Udalak irakaskuntzaren programazioa egiten eta derrigorrezko eskolatzeko aldia betetzeko zaintzan duen parte hartzearen esparruko datuak tratatzen ditu, baita haur-hezkuntzako, lehen hezkuntzako eta hezkuntza bereziko ikastetxe publikoen eraikinak kontserbatu, mantendu eta zaintzeari buruzkoak ere, Euskadiko Toki Erakundeei buruzko 2/2016 Legearen eta Toki-araubidearen oinarriak arautzen dituen 7/1985 Legearen arabera. Datu pertsonalak arloan eskumena duten beste Administrazio Publiko batzuei jakinarazi ahal izango zaizkie, hala nola Eusko Jaurlaritzari eta finantza-erakundeei. Interesdunak bere datuak eskuratzeko, zuzentzeko eta ezabatze eskubidea du, bai eta datuon tratamendua mugatzeko edo aurka egiteko eskubidea ere, Udalaren helbidera edo [dpo@durango.eus](mailto:dpo@durango.eus) helbide elektronikora komunikazio bat bidalita. Halaber, informazio gehiago nahi izanez gero, kontsultatu gardentasun-ataria: [www.durango-udala.eus](http://www.durango-udala.eus).